

桂平縣志卷五十二

紀文

文錄七

職官祀典食貨風俗之文

武靖州土官論 明文

蘇 濬

韓襄毅王文成皆稱武靖州要害設官以治其慮深矣當時
任事豈盡乏人而何取於囹圄之岑鐸謫戍之邦佐也鐸猶
藉其材官且耕且守邦佐削軍寔腴民以自封矣知人誠不
易哉夫武靖非諸土州比也土酋藉其幅員歸於公家宜世
世嗣不絕武靖故中原地第藉兵外夷爲吾藩圉今五符空
設而徒棄內地以恣狼心非設官初意矣且邦佐再傳而絕

桂平縣志卷五十二

紀文 文錄七

一

粵東編譯公司承印

清寶一傳而絕天之所殄不可興也翁田之議洞若觀火時
哉不可失矣

請

賜祭廣西從前殉難諸臣疏 雍正二年

李 紱

題爲欽奉恩詔事雍正二年正月二十八日恭奉到聖祖仁
皇帝配天恩詔內開一欵文武官員爲國捐軀効力行間甚
屬可憫出征陣亡之拖沙喇哈番三等侍衛以上文官知縣
以上武官守備以上官員俱賞祭一次欽此欽遵在案臣到
任後悉心體訪以期仰副我皇上教孝教忠至意但查廣西
一省自吳逆倡亂案卷灰燼從前殉難諸臣無可稽查歷時

既久亦無可諮訪其在康熙十三年以後有案卷可稽者共得五人

以下節馬雄鎮傳弘烈二條

一潯州知府劉浩康熙十三年七月

孫延齡以桂林叛附吳逆攻潯州府浩嬰城拒賊而僞總兵緜成德陷平南殺知縣周岱生典史武佐鼎等遣兵助攻潯州副將蔣秉鑑將浩執送賊營父子五人抗節不屈同時捐命家口百餘悉被殺害亦經前撫臣郝浴題請賜恤

以下節張應勝

條一一平南知縣周岱生附見劉浩張應勝案卷內兼載省志內開岱生甲寅七月闔門盡節各等情臣查原任撫臣馬雄鎮原任將軍兼撫臣傅弘烈原任潯州府知府臣劉浩俱係捐軀殉難已蒙聖祖賜卹贈官今恭遇恩詔應請賞祭一次

桂平縣志卷五二

紀文 文錄七

二

粵東編譯公司承印

原任北流縣知縣張應勝原任平南縣知縣周岱生亦俱捐軀殉難但未經請卹今應否賜卹抑或賞祭一次之處伏候聖裁

以下節疏尾一段

代閣邑寶興總理梁耀東擬上清賦局稟

國民

程修魯

桂平合邑寶興總理梁耀東保衛團總公所正所長梁德祚等爲負擔已重倍加難勝聯懇援照局章以蘇民困事竊

紳

等奉黃知事抄送清賦局憲魚電內開前據該縣查報平

均計算每穀百觔應納毫銀五仙左右以新則每穀百斤征

銀一角計之應加一倍等因奉此

紳

等生長桂鄉稔知地方

貧瘠然公家爲增收入及負擔平均起見籌議清賦上下交

受其益^紳等皆國民分子自當踴躍奉公豈敢復有異議第
廣西全省情況各處不同桂平負擔向來苦重今復增加何
能緘默^紳等迭經研究桂平田賦有無容加者二不能加者
三不忍加者一敬爲局憲縷悉陳之伏讀局章云此次清
賦爲人民平均負擔起見循是以往則田多糧少應加糧多
田少應減加入減除必有信用以民終始查前清同治八年
桂平鹿前縣清丈田畝時所發各業戶執照今尙可據全縣
劃分二十一里田賦大略相同如軍陵執照內所載每租穀
百斤派糧米一升二合一勺四五伸算是產穀百斤已納糧
銀五分四釐四毫五絲矣地丁每米一升征銀一分四釐四

毫一六差銀照算則是一升二合一勺又納丁銀二分七釐
八毫七絲八忽矣兩共已成八分二釐三毫二絲八忽律以
新則產穀每百斤征銀一角已重一分零三毫二絲八忽就
前官執照按租穀考之無容加者一也桂平納糧串票向分
兩項查糧單每米一升載明納糧銀四分五釐又加以丁單
每米一升納銀一分四釐四毫一六差銀伸算得銀二分零
四又每戶分丁糧串票兩張共收銀四分三共已得銀一錢
零五釐四毫照鹿前縣租穀批照伸算是米一升不過值穀
七十九斤餘其納銀之數已抵新則產谷百斤之數有奇矣
就現在之糧單征銀考之無容加者二也桂平面積查通志

載東至西一百六十里南至北一百八十里以四十萬人平均計算

前清巡警道有案

除山嶺江河去三分之一外每人占面積

不過約一百五十五方丈有奇內中尚有荒坡石坂不能開墾者故歷來派員考查新墾桂平無與焉

前清勸業道有案

可知新

墾絕少升科無多比之柳慶南寧以上地曠人稀一縣錢糧征銀數十或數百兩者不啻天壤此不能加者一也外國農業改良收成倍增機器代工人力減少同此一畝之地而生產日多桂平大河兩岸自大灣至古雍幾二百里橫面至山脚約六十里連年水旱災害並至均經報案五年於茲照新則三年平均計算實等於無似此荒歉里份居一縣之半不

獨田無新墾並舊有之田或受水災而崩潰或收成減少而拋荒比比皆是故今之田畝猶清同治之田畝也而產穀之收入則遠不逮焉今之賦稅又安能加於同治年之賦稅乎此不能加者又一廣西田畝前清二百餘年除桂平臨桂靈川橫州數縣外歷來未經清丈故所謂隱瞞者侵佔者新墾而應升科者實居多數桂平自鹿前縣同治八年清丈至今不過四十餘年耳時代無幾而隱瞞侵佔等弊雖有亦居少數查出祇補其舊額烏能益其新加此不能加者又一廣西錢糧輕重不平者由陋規之多寡實一大原因自改民國後陋規已化私爲公查超過一萬兩者除臨桂外桂平實爲最

多故征糧亦最重查鬱林每升米納銀一分一厘武宣納銀一分零平南納銀三分其根本已不均矣桂平奉飭照額加倍實重上加重譬如甲擔百斤加一倍則二百斤矣乙擔十斤加一倍則二十斤而止同此廣西人民負擔不平莫過於此桂平產穀百斤納銀已超一角以上猶日照舊額加一倍則每產穀百斤非需銀二角不止以賦稅之公平論不忍加者又一總上數端桂平已無再加之餘地當此財政竭蹶使民力能負擔自應勉爲無如負重已久方冀平均清賦以紓殘喘豈堪再加重累以促生機查清賦局魚電飭加倍以此定糧價標準實原於縣電復五仙爲根據詎知舊日糧單內

載明每升米納銀四分五釐則五仙之說不知何據一倍之額已溢局章若恐產穀百斤不足米一升也而鹿前縣按租派糧執照具在明明尙多二合一勺可爲確証今縣迭飭照原額增加一倍是誤會局定糧價之標準變爲糧額之增加果如所說是倍上加倍矣桂平清查着手尙未告竣若假定一倍爲期設產穀有餘則預定過輕不免背增加收入之主旨設產穀不足則預定過重又失平均負擔之本懷查桂平近三年平均征收糧米五千石左右以四五算得銀二萬二千兩有奇照新則每石穀一角征收除舊征四分五釐外現擬加以二分七釐已符一角之數其從前之地丁秤頭糧單

等項照章廢止已覺增加一萬三千餘兩惟局章命名清賦非定加賦也蓋清賦以產穀多寡爲衡多寡由總結而定今着手清賦查所謂增加一倍之說在局電祇定其糧價之標準非言糧米之定額紳等遵照實查無論查出若干惟有援照局章每穀百斤納銀一角而已至於照原額米加一倍或併丁銀一倍之說局章所無紳等萬難逆料如防隱匿起見罰章具在誰敢輕嘗所有負擔已重倍加難勝緣由理合瀝情呈請 巡憲恩飭桂平縣體恤民困免予重累則紳等感戴二天矣謹附鹿前縣執照一張桂平丁單暨鬱林糧單三張呈懇 察核明白批示飭遵不勝呼籲待命之至謹呈

桂平縣志卷五二

紀文 文錄七

六

粵東編譯公司承印

五年一月

附批詳

清賦總局詳

詳爲核明桂平賓興總理梁耀東等稟負擔已重倍加難勝一案批飭遵照具報乞察核事案奉 憲台批據桂平賓興總理梁耀東等稟負擔已重倍加難勝懇照局章以蘇民困緣由奉批據稟已悉查桂平縣查報每穀百斤應納毫銀五仙及局電應加一倍各案均未具報無案可稽據陳各情仰清賦局查案核飭遵照具報此批副稟一件執照一紙丁糧三紙並發等因奉此伏查此案前據該紳

具稟到局當批本局清賦主旨注重在平均人民負擔加增公家收入桂平地方繁庶又素爲餘米之區但能認真清查縱不能加至一倍亦應卓有可觀該紳等當切實調查有若干之出產卽有若干之賦稅毋令稍有漏匿不必於事前鯁鯁過慮斷斷辯論須知公家財政困難已臻極點豫算不敷全屬軍餉要需無餉何以養兵無兵何以衛民該紳等盡力於國事實則盡力於家事務各踴躍奉行奮勉從事以奏成功而膺懋賞現在清賦一事查竣者已有二十餘縣其餘亦得十分之七八立待觀成倘有觀望延玩或敷衍搪塞本局決不稍事姑容也仰桂平縣卽便

查照辦理并轉飭該紳等知照此批詞發粘件存等因揭示并印發在案茲奉前因理合錄批并抄關於增加新糧標準原案電飭二件詳請 察核謹詳 五年二月廿日

代邑紳李文瑞等爲加賦事上廣西督軍書

程修魯

爲原額已重再加難勝籲懇援案俯准查足原額作爲增數以均負擔而恤民艱事竊查清賦章程第一條內載此次清賦在使全省人民負擔均平且矯正向來有田無糧有糧無田諸弊以達上下交益之目的等語細繹條文主旨所謂均平云者是必賦輕者酌加賦重者酌減以求合乎苦樂之均

衡所謂矯正云者必使人民有是田畝則有是收益即應負相當之納稅義務於清理田賦之中寓增加收入之益仰見都督恤民裕國至意欽服莫名惟查桂平糧米原額七千一百五十石應征銀六萬七千一百三十九元歷年統算實征額五千石左右合丁糧官租及規費等項實征銀四萬元有奇平均計之每石約征銀八元一角以上廣西賦稅之重莫桂平若也試舉例以證明之查廣西財政說明書載鬱林全縣熟田共三十四萬七千五百七十四畝原稅銀二萬八千一十四元均計每畝約征銀八分二釐桂平田畝二十五萬九千六百八十五畝原稅銀六萬七千一百三十九元均計

每畝約征銀二角四分兩相比較桂平田畝少於鬱林三分之一而賦稅則重於鬱林三分之二又查鬱林現定增加銀一萬四千元連原定賦額爲四萬二千八百一十四元以之均攤全縣田畝每畝亦不過約征銀一角二分比桂平原額每畝征銀二角四分之數仍輕一倍是桂平額重無可再加其証一又查桂林靈川兩縣糧額據廣西財政說明書所載桂林米共二萬五千九百四十七石征銀一十一萬八千零七十七元均計每石約征銀四元五角五分靈川米一萬四千三百八十八石共征銀六萬四千九百九十九元均計每石約征銀四員四角至桂平糧米原額及歷征銀員平均每

石約征銀八員一角之數以如上述三縣比較桂平每石米征銀之數視桂林靈川幾重一倍所以歷年平均征額僅及六成有餘是桂平額重無可再加其証二據此以觀桂平賦重爲全省冠按之平均主旨應體恤民艱減輕賦額以期負擔之公平卽不然爲增加收入起見查足原額已屬格外急公胡乃有加無已也論者不察謂局章已廢畝制改用收益課稅田畝多寡無與糧額重輕借証鬱林毋乃誤會詎知收益多寡仍視田畝面積之廣狹及土質之肥瘠以爲衡局呈所謂就田畝以求業主及產穀是也又謂局章以收獲穀物爲賦稅之標準舊額重輕與新則無甚關係援引桂林靈川

似屬不倫詎知清賦局准駁仍以舊額爲依據故各縣輕則加數十倍重則飭查足原額局呈所爲使全省人民負擔可以均平是也雖然使桂平田賦亘古未經清厘日久弊生清查增加猶可言也乃查同治八年鹿縣任內曾經清丈彼時祇求復原額並未注意平均故在事員紳各私其土往往甲里之糧飛灑乙里此疆之界侵奪彼疆里界凌亂類多一田兩賦一戶重糧此賦重逋欠歷年征收所以不過七成也然此猶曰按畝清查則業主有歸凌亂自除非難加之原因也不知桂平當同治兵燹之餘全縣人口不過二十餘萬近數十年竟達四十萬清巡警道有案可據人穠地窄所有新建

屋宇占去熟田極多此有糧無田再加已不勝其苦况兼頻遭天災計辛亥至乙卯連淹五年旱二年自大灣至古雍縱一百八十里橫六十里地方居全縣之半皆被水患崩塌沙積爲數不少或因歉薄拋荒如軍陵厚祿崇姜等六里尤多自應勘驗銷除更無再加餘地然猶恐新墾之有田無糧與熟田之有糧無田比較尙足相抵也而桂平人稠地窄謀食維艱除種畚田外惟有開山播穀外有惟森林歷年派委勘查官荒桂平與無亦有清勸業道查荒案可據既無新墾自無升科故今日查足原額尙大費躊躇從而再加何堪其苦伏查財政部清查田畝文內有將舊有之賦切實考核便爲良法等語可謂洞見本源前梁耀東等以負擔已重無可再加理由

桂平縣志卷五二

紀文 文錄七

一十

粵東編譯公司承印

經呈照稟明在案而黃知事明知原額已重不待查報總結逕電清賦總局認加三萬元無論桂年賦重成案昭然卽謂紳等所言不實而全縣清賦未經全行造報先爾認加亦未免倒果爲因難昭公允現當清丈告竣原額尙屬不符因之屢催總冊悉難應命誠以桂平賦率比全省爲最重此次查丈兼施又比各縣爲認真究之查報結果總不能超越原額蓋田產收益祇有此數實難再加若果不恤民隱任意濫加上以強求下亦以強應勢必至曲順官意虛造假帳假帳雜入貽禍無窮紳等爲實事求是起見迫得爲民請命查桂林靈川兩縣原額過重歷年實征不過五六成無可再加經奉

清賦總局准照查足原額即可作爲增數今桂平賦額以每畝征銀計比鬱林重一倍以每石銀計又比桂林靈川重一倍新增尙不及桂平原額桂平再加實比桂林靈川重上加重微特失負擔均平之旨嗟我小民何以堪此迫得據實列表聯懇 都督援照桂林靈川成案俯准桂平查足原額即可作爲增數並飭黃知事核實造報毋得勒增激成假帳紳等惟有戮力同心恢復原額以仰副 都督增入之本意所有原額已重再加難勝暨請免新增額數緣由呈請 察核伏乞 批示飭遵不勝呼籲待命之至謹稟計附呈鬱林田畝一紙桂林靈川糧米一紙 五年六月

附批詳

批發清賦局核辦

稟悉查清賦宗旨原爲增加收入及平均負擔起見據稱該縣原額已重再加難勝比照鬱林每畝征銀及桂林靈川每石銀價均重一倍擬請援案准足原額作爲增數等語應否照准仰清賦總局核明飭遵具報此批副稟附件并發 五年七月五日

清賦局之詳

南寧省長鈞鑒梧州溫道尹鑒潯州黃知事奉 督署批發該縣紳李文瑞梁耀東等稟舊糧過重請准查足原額

作爲結束等情正在核議間隨據黃知事艷電清賦業已告竣閩邑查得產穀六十八萬一千餘石雜糧二萬三千八百餘石共應徵銀六萬九千五百三十五元除雜糧免徵外比較舊額寔增銀一千零元開辦經年成績祇此該縣迭電擬定增額何以不能克踐現在查報所得之數是
否確寔可靠均未據明白聲叙李文瑞等瀝陳額重難加各節是何實情應飭該知事詳細確查如果不虛卽速臚列理由電候核明准其從寬卽以此艷電查報所得作爲確定惟仍須責成該知事召集各該團紳取具切結加具印結擔認實力徵收分文有着並限一個月內遵章造冊

詳送備案將來倘有短少卽惟該紳等是問又查該縣歷月報銷經費詳冊薪水等項支耗頗多雖屬就地罰款仍不可過於糜費仰卽遵照辦理具報並轉飭李文瑞等一體知照承斌新謨詳叩清賦總局江印
五年八月三日

黃知事詳省長電文

南寧省長清賦總局梧州道尹鈞鑒局憲江養兩電道憲有電鈞奉查李文瑞等所稟糧重難加等情並未分稟縣署奉電飭查當卽轉致該紳等將稿繳閱本日始據抄送核閱所稟各節於本邑田賦情形縷陳甚屬確切查桂邑

田賦各里輕重懸殊除武平甫里吉一二里少數派糧稍輕外其餘各里租穀每一担實已派糧一升有奇以舊時征收價額而論連地丁加平已征到九仙以上甚至如永和南岸軍陵等處竟有征至一角以上者此次清賦以平均負擔爲宗旨就田畝而求收益就收益而定稅率查丈兼施費盡心力所得結果僅較原額稍加竟不達到預計增數推求其故誠如紳等所云田少糧重爲遠因而同治間清查不實重戶重糧兼以十年前時疫盛行又復連歲水旱荒曠過多尤爲萬難多增之近因也知事行不踐言慙悚實深第與近年實徵數比較實已增加二萬二千圓

有奇且經實地查丈田戶分明與照額派加者虛實不同將來徵收無虞短絀知事與各里經手清查員紳自當同負徵收足額之責任奉電前因除分催造冊給照彙齊詳送外理合遵飭查復陳請鈞座察核俯賜照准前電所報總數作爲定額免予再加以紓民困是否有當伏乞示遵
桂平縣知事黃占梅詳卅

清賦總局上省長呈

南寧省長鈞鑒梧州道尹鑒潯州黃知事黃卅電悉據陳該縣糧額較重此次清賦未能達到預計征數惟經實地查丈田戶分明將來征收無虞短絀該知事與經手清查

員紳當同負征收足額之責任等情據此復核所擬尙屬可行應准卽以該縣七月艷電查報除雜糧免征外實得六萬八千一百餘元作爲結束此係本局特與通融如果將來征收有絲毫無着之數定爲該官紳是問應造穀石清冊及按戶給照一切手續趕速辦竣刻日開征毋再逾延仍將遵辦情形開征日期電報查考爲要承斌新謨呈叩清賦總局庚印 五年九月八日

涖潯四日記 清文

張體義

客有問於予者曰古人出守一郡類多爲文以記之東坡爲太守則有放鶴亭記歐陽守滁州則有醉翁亭記子今來守

桂平縣志卷五二

紀文 文錄七

一四

粵東編譯公司承印

茲土甯可泯泯無記乎予曰不然古之君子德澤及於百姓則記之功業裨於社稷則記之他如覩物記情觸景寓意亦莫不爲文以記之今予奉

天子命來守潯陽旋調桂林中間四十日耳山水之形勢未能徧歷也民情之樸漓未及周知也未嘗有芥纖之惠及我羣黎百姓也未嘗有尺寸之功補我城垣倉廩也且吾潯僻處天南地瘠民貧而予曾不能懷保而咻噢之予甚愧其又何記之有但予涖任以來獨有一事焉日愨然於心而不能釋然者初予披閱案牘見潯民之構訟者動曰掘我墳墓搶去骸埋亦不解其何謂迨後訪之士人方知潯人塋親三年

後復掘取屍而焚之拾骨而藏於罐名曰火葬嗚呼此風創自何人起於何代孟子曰始作俑者其無後乎若輩之謂也孔子曰是可忍也孰不可忍也獨未之聞乎意欲少待政事之暇集我紳士父母諭以仁人孝子之至情曉以生養死葬之大義務期盡除此風而後已此予四十日中且暮懸於心而不能釋然者也予今行矣惟望後之君子覩此風而奮然有感毅然見諸行事則化民善俗之道亦可補吾志之未逮也此外又何記焉客聞之笑曰是則可記也予遂搦管而書之曰涖潯四日記

代府縣勸捐創辦桂平蠶業傳習所文 程修魯

桂平占面積一萬五千四百方里之廣有人口三十五萬之衆山明川媚士秀民強河流交通土地盡闢其憑藉不可謂不厚若能講求實業其經濟界之發達宜有一瀉千里之勢乃自戊戌鬱屬亂後蔓延境內盜賊蜂起行者梗途耕者輟畔富者蕩身家貧者填溝壑流離失所慘目傷心而經濟界之大恐慌竟有不可思議者問何以故則曰民窮財盡元氣大傷也然此特其現象非原因也以予觀之地利非不開闢也人民非不勤苦也而民生憔悴至於此極者實原於實業不興謀生無術耳本府去年權篆是邦目擊凋敝時思挽救

適值匪勢猖獗東奔西走馳驟鎗煙炮雨之中急則治標未遑治本今也大亂初平休養生息刻不容緩夫欲解決此問題不在普通教育尤在實業教育實業教育不一端求在事易舉而効易收者莫如蠶絲業請推而論之約有數利盜賊起源非出其天性教育缺乏法律荒疏固足以愚民而生盜而尤以生計困難爲最大原因語云救死不瞻何暇禮義蓋飢寒交迫焉得不挺而走險乎桂平匪勢之燎原大都基此當此人心厭亂能從根本的救治提倡蠶業使富源日開謀生自易衣食既足犯法誰甘予以企業之智識卽保社會之治安其利一桂平田野綦闢大河一帶水旱難防故農恒有

輟耕之嘆自通輪後外貨暢銷日甚土貨生產不加百物因而騰貴凡營一業無不本鉅利微負販固難卽有資本營謀而庸率亦漲或懷人滿之隱憂吾謂殖產之無術考日本桑園一反步當我國一畝半每年可得繭價約值六七十元桂平一畝歲出谷產僅值其一孰贏孰絀比例可知如以蠶爲專業擴張殖產之範圍卽抒人民之痛苦其利二天災流行何國蔑有農專以五穀爲正業年豐則穀價賤農固困年凶則穀入少而農愈困丙申壬寅間桂平人民弱者餓殍強者賣身南洋不可勝計平南賴有蠶業補助初夏出絲自能濟急故無待賑濟幸獲生全桂平東南壤地相錯宜蠶可知卽

桂平縣志卷五二

紀文 文錄七

一七

粵東編譯公司承印

以蠶業爲副業亦可補天時之缺憾其利三近者新政繁興在在需款一公學數百金一區學不下數十昔之成款羅掘一空猶虞不給况自治亟須成立警察亦將實行立憲民國負擔匪輕雜稅旣難多取附加稅又無可加若不別闢富源雖節衣縮食仍恐難供無限之求而格於款絀新事業何以擴張若振興蠶業經濟之總率旣高新政之推行自易其利四總上四端社會之現狀如此蠶業之利益又如彼提倡興辦無待再計決矣聞者疑吾言乎攷日本長野一縣面積八百五十四方里日里抵中國六里視桂平不過三分之一而生絲產額據去年報告六萬八千二百九十捆每捆值約一千二百元

以價銀值四百九十一萬七千四百五十元以此例推桂平面積兩倍長野縣蠶業果興增加歲入何止千萬所謂戰勝於世界之平和利器無有大於此者然桂平老農鮮出國門耳聞外國之說恐難深信請言近者蒼梧長洲縱橫不過十里每年蠶絲入息約數十萬長洲值桂平一里耳自蠶業學堂成立後頗受影響而發達正未有艾苟桂平有二十一長洲千萬之利可操左券本年蠶業招生桂平應考達百人實業心之發達可見一斑惜限額數而有志之士不免向隅本府縣有教養責任願與桂平士紳提倡蠶業遵章開設傳習一所研究得失實行試驗以收急效於目前但建築開辦等

費約需萬金有奇非集腋成裘不克有濟本府縣首捐廉俸爲之倡諒桂平士紳生斯長斯興桑梓之利爲子孫之謀好善樂捐甯不如我夫捐簽橋廟造福無形賑濟凶荒博施有盡諸君子猶解囊不吝况興辦實業其利賴之深遠相去有不可以道里計者所望熱心君子慷慨多捐俾得衆擎易舉而鳩工庇材庶幾翹足可待反貧弱之桂平爲富庶全賴諸公撥擾亂之桂平爲治安在此一舉尙其踴躍從公輸將莫後本府縣有厚望焉

宣統元年九月